



Broj:T18 0 KT 0016092 22
Brčko, 12.12.2022. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

B. P. [...]

Što je:

Dana 25. februara 2022. godine, u namjeri pribavljanja protivpravne imovinske koristi, iako svjestan da stabla u šumi nisu njegovo vlasništvo, angažovao S. T, kome je pokazao parcelu označenu kao k.č. broj 253 POTOK Šuma 4. klase, površine 13433 m², upisana u zemljišnoknjižni uložak broj 15, katastarska opština Brezovo polje selo, na kojoj je kao vlasnik upisan Brčko distrikt Bosne i Hercegovine sa 1/1, i pokazao mu stabla koja treba posjeći te obećao novčanu naknadu za urađeni posao, nakon čega je S., vjerujući da se radi o B. šumi, upotrebom motorne pile posjekao 3 stabla hrasta, bruto drvene mase 6,70 m³, vrijednosti 1.265,20 KM i jedno stablo jasena bruto drvene mase 2,36 m³, vrijednosti 528,37 KM, a posječena stabla je S. izveo pored puta koji vodi do zaseoka Petkovača, dok su na licu mjesta zatečeni tragovi sječe, ovršci i ostatak trupaca, čime je B. za sebe pribavio protivpravnu imovinsku korist u iznosu od 1.793,57 KM, za koji iznos je oštetio Brčko distrikt Bosne i Hercegovine,

dakle, radi krađe u šumi oborio više stabala, a količina oborenog drveta je veća od pet kubnih metara,

čime je učinio krivično djelo Šumska krađa iz člana 310 stav (2) u vezi sa stavom (1) Krivičnog zakona Brčko distrikta BiH.

[...]

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
